

DISSERTATIONIS ACADEMICÆ,
DE
LIBRIS DEPERDITIS in S. V. T. CODICE
CITATIS,
Particulam I.

CONS. AMPLISS. FACULT. PHILOS. ABOËNSIS,

Publico examini modeste offerunt

JOHANNES ADAM EDMAN

Philos. Mag.

ET

RESPONDENS

CAROLUS DETTLAV. SIPELIUS

Stip. Publ.

Tavastense

In Auditorio Medico die I:º Junii MDCCCXI.

Horis a. m. convetis.

ABOË, Typis FRENCKELLIANIS.

FÄLTKAMERERAREN

HÖGADLE

HERR DANIEL ITHIMÆUS

Tillågnas vördsamst desfa blad — såsom en svag erkänsla för välger.
ningar i fem år stnjutne — af

DESS

Edmjukaste tjenare

JOHAN AD. EDMAN.



PROOEMIUM

Diversam diversis temporibus, prout ævi tulerit gustus, notionem obtinuisse *Canonis*, neque adhucdum inter eruditos, quid voce ista intelligendum, quinamque libri *Canonicis* annumerandi, convenire, quisquis Theologorum & Philologorum opera vel primoribus, ut ajunt, labris prægustaverit, facili concedet negotio. Missis vero primitivis, quas recitare solent Lexicographi, vocabuli notionibus, significationi quam plurimis probatæ, qua scilicet per *Canonem* Catalogus Hymnorum & librorum ad publicos in sacris usus destinatorum intelligitur, tanto magis adhæremus, quod, hac admisa, animi dissentientes facilius conciliari posse videantur, quamvis & de numero librorum in hunc Catalogum exceptorum diu multumque sit disputatum (a). Si
A enim

a: Cfr. SVICERI *Theaurus Ecclesiasticus* sub voc. *Κανων*;
J. CH. WOLFII *Biblioth. Hebr.* P. II. Sect. I; CH. FP.

enim FLAVIUM JOSEPHUM (b), aliosque hac in re arbitros spectes, omnes fere in eo conspirare, quod viginti & duo libri canonica auctoritate donati fuerint, animadvertes; sive originem hujus computandi rationis e numero litterarum Hebraicarum (XXII), sive aliunde, de quo quidem haud multum ambigamus, repetas (c). Sequiori vero, Thalmudistarum
 puta

SEHMIDH *Historia Antiqua & vindicatio Canonis V. & N. Test.* p. 30. J. G. EICHHORNII *Einleitung ins Alt. Test.* 3 verb. Ausg. 1804. Th. 1. p. 69 seqq. it. RICHARDI SIMONII *Histoire Crit. du Vieux Test.*, cujus quidem (p. 55) de libris Canonicis a Vulgari multum abhorrentem opinionem hic adscribere placet: "Il y a bien de l'apparence, que les Juifs au retour de leur captivité, firent un choix des Memoires, qui leur ressoient, dont ils donnerent une partie au Peuple & garderent l'autre partie dans leurs Archives. Ils appellerent cette premiere partie qu'ils vendirent publique Ecritures Canoniques."

b) *Libro I. Contra Apionem §. 8.* edit. HAVERC.

c) Quam diverse in hac parte cogitaverint Judæis imprimis opinionibus imbuti, videre licet e recensione EPIPHANII, de pond. & mens. p. 161. Ed. PETAVII ita habentis: Εικοσι επτα βιβλοι αι ρηται και ενδιαθετοι, εικοσι δε και δυο κατα την τε Αλφαβητα παρ Εβραοις χειρωσιν αριθμημεναι ηερμηνευθησαν. Εικοσι γαρ και δυο εχουσι χειρων νοηματα πεντε δε εισιν εξ αυτων διπλουμενα — Δια και αι βιβλοι κατα τετον τον τροπον εικοσι δυο μεν αριθμονται, εικοσι επτα δε ευρισκονται, δια το πεντε εξ αυτων διπλουσαι.

puta, ævo, libros XXIV. Canonicos numerare placuit; aut quia litterarum hebraicarum numerum elementis Græcorum adæquare, aut etiam, ut haud paucis est visum, quod vesana libidine Nomen *Jehovæ* tribus ejusdem generis elementis exprimendi capti, Alphabetum suum duobus litteris novis auctum, numerumque librorum laudatorum eidem conformem reddere voluerint, quæ vero omnia pluribus persequi non refert (d). Illud tamen prætereundum non est, hypothelin, quam nuperrime proposuit Cel. NACHTIGALL (e), novam in canone dijudicando lucem adspargere. Rejecta scilicet antiqua ista librorum Sacrorum, non modo in *Historicos*, *propheticos* & *poëticos*, sed & *Canonicos* & *Apocryphos*, divisione, omnes libros biblicos Vet. Codicis in tres classes dispescendos urget Cel. Vir: in libros puta immediate e conventibus Sapientum Judæorum, quos Scholis Prophetarum (f), per longam

A 2

anno

d) Cfr. JOH. H. HOTTINGERI *Theaurus Philologicus* I. *Clavis Script.* Edit. Sec p. 102.

e) Cfr. *Disertatio Ueber die Weisenversammlungen der Israeliten in Eichhorns allgem. Biblioth. für biblische Litteratur* IX Tom. III St. p. 321 seqq. itemque recensio libelli in GABLERI *Neustes Theol. Journal* IX. B. p. 157 seqq.

f) En judicium viri Ingenii subacti STÄUDLIN (*Geschichte der Sittenlehre Jesu* Erst. B. p. 205). "Durch diese An-

annorum seriem penes Judæos vigentibus, Samuelis vero ævo novam quasi formam, scientiarum litterarumque maxime humaniorum emolumento induentibus, æquiparat, profectos: In libros dein ortum suum mediate conventibus debentes laudatis: & denique in libros, quos ex Annalibus antiquioribus, amplioribus & in Archivis caliginosa pressis nocte, Sacerdotes collegerunt & in lucem ediderunt. — Cave autem credas, tempus, edax rerum, singulis ingenii Judaici perpecisse monumentis. Quamvis enim jam inde a Patrum ævo agitata sit quæstio multis tricis impedita, an libri quidam in Canonem excepti perierint (g); in confesso tamen est, quosdam,

stalt erhielt die Nation einen neuen Schwung, der Cultus bey dem heiligen Zelte wurde lebendiger und rührender, er wurde durch Gesang und Musik belebt, eine Guldene Periode der heiligen Dichtkunst wurde vorbereitet, talentvolle Jünglinge wurden ausgezeichnet und die edelsten Kräfte und Fähigkeiten bey ihnen entwickelt, es wurden Männer gebildet, welche bald im erhabenen Orakeltone die Moral vortrugen und die Sitten richteten, bald in Hymnen moralische Empfindungen ausdrückten." Cfr. quoque *Exegetisches Handbuch des Alten Testaments* III Stück p. 5 seqq.

g) SCHMID I. c. p. 119. nodum huncce ita solvit: "Ipsa commemoratio in scriptis propheticis & Apostolicis facta, non statim probat divinam originem libri vetusti, cujus verba afferuntur: Sed videndum est ante omnia, an istius generis locis insint vestigia, unde colligi possit,"

dam, de quibus in S. Codice fit mentio, desiderari. In animum itaque induximus, juveniles nostras in libris hisce deperditis, quatenus in Veteri citentur Testamento, recensendis periclitari vires: tuum, B. L. æquum & mite judicium, omni qua par est observantia expetentes.

Antiquitatem Judaicam fere omnem & Christianam in eo convenisse, Moſen auctorem fuisse narrationum in Pentateucho exstantium, scriptaque Moſaica, qualia de ejus Manu, cujus præ se ferunt nomen, profecta sint, ad nostram perveniſſe ætatem, inter omnes constat. Sublimioris autem ope criſteos, saniorisque & magis terſæ exegeſeos adminiculo, jam ſuo ævo, VITRINGA (*h*) & RICH. SIMON (*i*), mem-

”Scriptorem ſacrum libro, cujus meminit, auctoritatem
”divinam tribuiſſe. Vet. Teſt. Prophetæ nominant ſui
”temporis lectoribus annales judaicos, aliosque libros,
”amplius ſuper argumento, de quo ſcripſerant, conferen-
”dos: quos, ſi propterea divinos credideris, quod in li-
”bro divino eorum facta ſit mentio, eundem cum ſcripto-
”ribus illis eccleſiaſticis erraveris errorem, qui divinum
”Enoci librum comminiſcebantur propterea, quod S. Judas
”in Epistoſa catholica Enoci Vaticinium commemoraverit.”

h) *Obſervat. Sacrar.* L. I, p. 33.

i) *l. c.* L. I, c. 5.

membra aut frustra diversorum Scriptorum, in unum quasi corpus collectorum, dignoscere sibi visi sunt, & quæ cuique fragmento dicendi ratio familiaris esset, definiri posse, suspicant; adeo ut quisque Narrationum variarum Compiler, pro Ingenio suo & lubitu, aliam atque aliam, cognationis vinculo junctam, pericopam e Commentariis aut sic dictis ephemeridibus librariorum publicorum (R. SIMONIO adamata præsertim sententia), quibus res gestas exponere datum fuerit, selegerit & in sacrum inferuerit textum. Recentioribus vero temporibus hanc rem extra omnem posuere dubitationis aleam viri, acerrima ingenii acie instructi, ASTRUC (*k*), EICHHORN (*l*), & ILGEN (*m*); quorum vestigia premit turba assecularum & commentatorum non numeranda, Genesin imprimis e diversis fragmentis vetustis esse conflata. Quum vero nullum revera in tota Genesi librum, ex quo sua hauserit monumenti hu-
ve-

k) *Conjectures sur les memoires Origineaux dont il paroît, que Moyse s'est servi pour composer le livre de la Genese.*

l) *l. c. P. II. p. 292 seqq.*

m) *Die Urkunden des Jerusalem. Tempel archivs in ihrer Uhrgehalt von C. D. ILGEN. Cfr. quoque GABLERS N. Th. Journal B. IX. p. 513 seqq. & B. XII. p. 20 seqq. It. BERGERS Prachtische Einleitung in das Alte Testament. Erst. Th. p. 5 seqq.*

ius celeberrimi Auctor, Compiler aut quidcunque velis, citatum offendere liceat, non est, ut his conjecturis, quantumvis ingeniosis diutius immoremur.

Præstat igitur recensionem jam aggredi librorum Vet. Test. quos nobis, ex eruditorum calculo, invidisse videtur temporum injuria.

Librum quendam depertitum verbis: כתב זאת זכרון בספר ושום באזני יהושע כלמה אמרה תא זכר עמלק מתחת השמים Exod. XVII: 14. obviis innui, nonnullis est visum; quippe quod antiquiores Commentatores Judaici, tantum non omnes, librum quendam Chronicorum vel Bellorum Domini de quo Num. XXI. 14, hic indigitari putent. Quæ quidem sententia neque HERDERO (n) displicuit, putanti scilicet, in memoriam victoriæ de Amalecitis reportatæ, librum Bellorum Jehovæ a Mose fuisse exorsum. Cujus quidem hypotheseos originem e verbis: כוֹיֵר על־כס יה מלחמה יהנה בעמלק, comm. 16. obviis, haud inepte repetas. Ut enim taceamus, CLERICUM (o), littera כ in ג, ut haud raro

n) *Vom Geist der Ebraischen Poesie* Th. II. p. 243.

o) Cfr. E. FR. C. ROSENMÜLLERI *Scholia in V. Test.* I, c. & J. D. MICHAËLIS *Neue Orientalische Bibliothek* St. III. p. 195.

ro per negligentiam Scriptorum reperitur, mutata, sensum loci hujus valde obscuri dedisse accommodatissimum, ipsamque verborum constructionem ab Herderiana illa explicandi ratione abhorreere, viro- rum (p), quorum judicandi acumen totus veneratur orbis eruditus, industria indefessa probabile factum est, Mosén nonnisi ספר תורה manu sua exaratum reliquisse. Sententiæ igitur quam recentiores præfertim sequuntur, adstipulari liceat, locum nostrum ita explicantes: Deum Mosi mandasse, ut pugnam laudatam, commentariis insertam publicis in memoriam posteris proditam curaret, & Josuam spe hostium olim extirpandorum consolaretur (q).

ספר הקריית, cujus mentio Exod. XXIV: 7. facta est,
pro-

p) Cfr. GABLER *l. c.* B. XII, p. 287.

q) Haud omittenda tamen videtur sententia Illustr. MICHAËLIS locum nostrum ad leges de hostilitatibus hæreditariis referentis. Ita enim audiunt verba ejus in Libro *Mos Recht Erst*. Th. p. 363: "Die Amalekiter hatten die Israeliten unvermuthet angefallen: Josuas schlägt sie, allein er kann sie nicht weiter verfolgen: Moses macht daher ein Gesetz, dass diese Beleidigung, nicht vergessen seyn, sondern man, so bald man könne, dis räuberische Volk vertilgen solle. 2 B. Mos. 17: 8-14. Er erneuert dis Gesetz 5 B. Mos. 25: 17-19. und nach etlichen Jahrhunderten muss Saul wirklich diese Rache üben. 1 Sam. 15." Senſa vir. antiquiorum hoc de loco sciscitans adeat WOLFIIUM *l. c.* Tom. II. p. 213 seqq.

ximum in disquisitione nostra sibi arrogare videtur locum. Quamvis enim librum quendam deperditum ne hic quidem commemorari demus; nonnullis tamen Interpretibus contra sentientibus, aut saltem dubitantibus, vel verbo locus hicce videtur attingendus. Præeuntibus itaque ceteris sanioribus observamus, peculiarem aut a Pentateucho diversum hic minime respici librum, sed illam ejus partem, qua præcepta moralia atque mandata politica & ecclesiastica populo Israëlitico inculcata summatim recensentur. Neque dubitamus fidem facere RICH. SIMONIO (r), qui per *librum fæderis* nostro loco citatum omnia mandata & statuta intelligit, quæ Exod. C. XX. usque ad v. 4. Cap. XXIV. a Mose litteris consignata memorantur, quibusque totus populus, Dei supremi, fulgure & tonitru apparentis, adventu perterritus, unanimi voce fertur acclamasse (s).

ספר מלחשת הזה Num. XXI: 14. Librum quendam in Codice V. T. haudquaquam, superstitem, bel-
 B lorum

r) l. c. p. 42. Cfr. quoque MICHAËLIS l. n. c. §§. 69, 70.

s) *Librum tamen fæderis cum verbis legis* (רכרי התורה) Deut. XXVII: 1-8. secundum Mandatum Mosis, post transgressum Jordanis in lapidibus incidendis, cave confundas; sciendum namque est, voc. ספר antiquiori saltem ævo, nunquam de monumentis e loco non movendis usurpari, sed aliquid, faciliori tollendum negotio & avehendum, significare.

lorum Domini s. Jehovæ, respicere, adeo certum est & Veterum Interpretum, *Samaritani*, LXX (qui εν βιβλιω πολεμος τσ κυρις habet, quasi legisset ποτις), *Syri*, Aquilæ &c. auctoritate comprobatum, ut de ea re dubitare poterit nemo; licet de cætero nullum fere in Scriptis Mosaicis, tam multis implicatum difficultatibus, ex ipsius MICHAËLIS (1) testimonio, occurrere locum, facile credideris. De auctore vero libri haud parum eruditos inter certatum est atque disputatum. Præeunte tamen MICHAËLIS, librum hunc Cananiticæ aut Amorreæ fuisse originis, plerique contendunt Interpretes. Licet vero negari non poterit, verba auctoris cujusdam indigeni, ad fines, quorum in testimonium noster allegatur liber, describendos & definiendos, utramque facere potuisse paginam, admirationem tamen hoc pacto subeat, qui factum sit, ut Auctor Cananæus, qui hostili sine dubio in Judæos ferebatur animo, suum inscripserit librum *Bellorum Domini vel Jovæ*. Quod si autem concederemus (u), vicinis populis, commercio licet cum populo Israëlítico alienis, haud igno.

1) Eine Stelle, die verdächtiger und unverständiger aussieht, als diese, findet sich in der ganzen Büchern Mosis nicht. Der muß starcken Glauben an den Maseretischen Text haben, der glauben kann, das die Worte völlig wie sie hier liegen, von Mosis hand find. N. Or. Bibl. III St. p. 234.

u) Videfis ROSENMÜLLERI *Scholia* in hunc locum.

ignotum fuisse, eorum Deum a suis cultoribus vocari *Jehovam*, vix ac ne vix quidem ad fidem pronum esset, Auctori Cananæo placuisse, ingenii sui foetum ad theologiam hostium sibi infestissimorum componere, nisi numen eorum deridendum propinquare voluisset, quo quidem pacto Moses librum illum haudquaquam allegasset. Ex altera vero parte, Mosén ipsum libri sapientis laudati auctorem esse, HERDER (v) quique eum sequuntur, coniecere. Sed huic maxime obstat sententiæ, non modo ridiculum videri, si Moses Numerorum Auctor, ad asserita sua confirmanda librum a se confectum, alias incognitum, allegasset, sed & ipsa verborum singulorum structura consiliumque, quæ aliam quidem postulant Interpretationem. Nihil itaque impedit, quominus canticum quoddam, cujuscunque demum auctoris, libro bellorum Jovæ innui, Mosénque illius, utpote tum temporis omnium forsitan triti sermone, non solum mentionem loco nostro injecisse, verum etiam fragmentum qualedemumcunque, in fidem dicendorum, dedisse, statuamus; satis enim superque docet EICHHORN (x), in Scriptis Mosaicis

B 2

frag-

v) *Als Moses Nothgedrungen den Amalek schlug, fing er ein Buch der Kriige Jehovas an, das auch späterhin fort gesetzt wurde; nur einige pottische Stellen sind uns daraus übergeblieben. l. c. Th. II. p. 245.*

x) *l. c. Th. II. p. 310. "Die Urkunde mit dem Namen*

fragmenta carminum, incerti ævi, auctorumque incertorum, sæpius occurrere. Immo in hoc ipso, quod tractamus, Numerorum capite, fragmentum carminis cujusdam citari patet e versibus 27-30 (y).

הישר: memoratur Jos. X. 13. & II Sam. I. 18. Quid vero continerit hic liber, de eo quidem, & antiquiores & recentiores Interpretes, prout vocabulum הישר hinc vel illinc derivarint, toto cælo habent

Jehova belegt ihre Erzählungen so oft es möglich ist, mit Liedern, den ältesten historischen Denkmählern aller Nationen. Ihr gehört das schöne Lied Lamechs über die Erfindung des Schwerts in seiner Familie (Gen. IV: 24); Ihr die Anfangsstrophe auf Nimrod (G. X: 9); der Fluch Noach als Beleg zur voransiehenden Nachricht von der Erfindung des Weinbaus (G. IX: 25-27); das Orakel von der Geburt Esaus und Jacobs (G. XXV: 23) und um noch ein schönes Stück, Zu nennen: der Schwanen Gesang des sterbenden Jacobs (G. XLIX)."

y) LXX מְשָׁלִים l. c. per *αὐσιματίας* reddit. Cum tamen apud Arabes مَسَلِيَاتُ sint *versus eximii* haud injuria, vi cognationis harum linguarum, מְשָׁלִים *Poetas*, e quorum carminibus fragmentum mox sequitur, significare, dilucide patet, licet HERDER l. c. hæc quoque ad Librum Bellorum Domini a Mose confectum referat. Plura vide apud LOWTH *De Sacra Poësi Hebreorum. Edit. Gottingæ* p. 80. & ROSENMÜLLER ad hunc locum.

habemus dissentientes (z). Senſa tamen illorum in duas commodè referre poteris claſſes. Duçto ſcilicet vocabulo רשׁוּת a Rad. רשׁוּ *rectus, planus fuit, recta proceſſit*, *Sepher Hajaſchar per librum Recti* vertunt LXX (verborum quidem verſionem Joſ. X, 17. omittens, II Sam. I. 18. vero per βιβλιον τῶν εὐταῶν reddens), *Arabs, Vulgata, Luther* ejusque proximi aſſeclæ. Utrum vero jura, præceptaque moralia, an facta quædam liber iſte expoſuerit, neque in eo conſpirant Interpretes. Illum explicandi modum ſequentes, librum huncce juridiçi fuiſſe argumenti, legesque ſtilo ſententioſo, ſive meſura metrica, compoſitas, quales SOLONIS, CHARONDÆ cet. (a) conſtituiſſe, conjectura nescio quidem probabili ſtatuerunt. Neque alter explicandi modus, quem HERDER a vocabulo allato elicere voluit, omniam ſatisfaciet poſtulat. Putat nimirum Syllogem factorum heroicorum, ſive in bello feliciter geſtorum, libro hocce contentum fuiſſe; quippe quod maximam in eo quæſiverint Iſraëlitæ gloriam, ut דרשׁוּ (καλοὶ καὶ ἀγατοὶ) ſalutarentur (Cant. I. 4. Pf. LXXIII. 1.); unde & דרשׁוּ (b), nomen populi Iſraëlitici proprium

z) Cfr. J. H. HOTTINGERUS I. c. p. 529 & WOLETIUS I. c. Tom. II. p. 219.

a) Cfr. LOWTH I. c. p. 72 ſeqq.

b) Cfr. JOH. SIMONIS *Onomasticum V. Teſt.* p. 351.

prium deductum voluat haud pauci (c). --- Nulli itaque dubitamus, quin admisa radice $\psi\psi$, *choreis*, *recta serie dispositis canere*, nostram faciamus eorum sententiam (d), qui, duce Versione Syr. Simplici (Peschito), ܣܦܪ ܗܝܫܝܪ habente, *Sepher Hajaschar* per *librum Hymnorum* s. *carminum* explicant. Præterquam enim quod huic sententiæ vel inde robur accedat, quod Chaldæus ספר הישר (poëticam) interpretetur; neque silentio prætereundum est, perexigua illa, in V. Test. occurrentia, libri hujus fragmina, sublimem poëticum utique sapere genium. Solennibus enim Josuæ votis (Jof. X. 12.), quis unquam nisi poëseos Asiaticæ, ingeniique heroici (e) igna-

c) Ab hac, Herderiana, explicatione haud multum ablu-
dit ILGEN (Cfr. *Exeg. Handb. d. Alt. Test.* Erst. St. p.
55 sqq. ibidemque memoratum programma Ejus de *Inbre
lapideo & solis & Lunæ mora intèr pugnam Israëliticam
sub Josuæ auspiciis cum Amorrhæis.*) qui, coll. Arab.
 يسر *alea lusit aut eductis e loculo sagittis fortitus fuit,*
 ספר הישר per Anthologiam facta memorabilia hero-
um, sine discrimine, & quasi sorte disposita, continentem
explicat. Sed artificiosam hancce interpretandi rationem
nimis longe petitam esse facile patet.

d) Favent huic sententiæ: LOWTH (l. c. p. 470 sqq.) EICH-
HORN (*Einkl. ins Alt. Test.* II Tom. p. 446 sqq.); MICHA-
ËLIS; DATHE; HEZEL; (in versionibus suis) cet.

e) Votum Agamemnonis apud HOMERUM II. B. v. 412 sqq.
conferre meretur ad locum laudatum Josuæ;